

長蘆鹽法志

總目

卷一

諭旨一

卷二

諭旨二

卷三

天章一

文 聯額 詩

卷四

天章一詩 恩賞文詩墨刻

卷五

盛典

卷六

優恤 恤商 恤竈

卷七

律令 律例 考成 緝私

卷八

場竈

卷九

轉運上

引地引額附運道

引名

引式

引目

卷十

轉運下

學配 鹽價
南轉運表

融銷

順天直隸轉運表

河

卷十一

賦課上

商課

徵解

奏銷

交盤

卷十二

賦課下

商課目

商課表

竈課目

竈課表

卷十三

職官上

官制

職掌

卷十四

職官下

官表

易官表

卷十五

奏疏上

卷十六

奏疏下

卷十七

人物

忠節

孝行

貞女

友義

文學

選舉

附學額

節

節

卷十八

文藝 文 詩 紀恩詩

卷十九

營建 行宮 海河樓 皇船塢 浮橋 撥
船 衙署 學校 廟宇 捐施

卷二十

圖識

附編

援證一

歷代優恤

援證二

歷代律令

援證三

歷代場竈

援證四

歷代轉運

援證五

歷代賦課

援證六上

歷代職官考

援證六下

歷代職官傳

援證七

歷代奏疏

援證八

歷代人物

援證九

歷代文藝

援證十

歷代營建

附古蹟

長蘆鹽法志卷三

天章一

粵若文思光被。中天著復旦之休。皇極誕敷。元會錫蕩平之福。是叶賡歌於庶績。罔非咨儆於民生。恭惟

熙朝。

聖作

明述體清寧而合撰。具見春溫秋肅之心。敕熙載以爲謨。時切府修事和之隱。或貯縹緗於

行在。或勒貞石於琳宮。炳炳琅琅。煌煌奕奕。允宜布昭遠邇。垂

示來茲以長蘆隸海濱廣斥之區亦得近瞻夫

雲漢惟嗟

臣

備金匱司儲之職尤思護重乎

圖球謹輯專編用光乘贖敬志

天章

天章一

聖祖仁皇帝御製文

御製海神廟碑文

碑在大沽口海神

朕昔巡歷天津詢知直沽海口去盛京數百里舟航泛涉實利
轉輸迺者奉錦兩郡歲穀不登兵民乏食深厯朕懷而陸運之

程踰山越谷。曠日爲勞。厥惟創興海運。始足拯濟羣生。爰命學士陶岱。往蒞其事。酌撥倉粟。運以巨艘。出直沽之口。東指遼海。篙師櫂卒。并力一心。波濤不興。天日清皎。祥飈盪送。帆槳如馳。甫三日。卽達盛京。賑給所暨。周遍窮簷。俾此京輔之邦。咸與遂生樂業。則惟爾海神有靈。克相朕以寧。茲兆庶也。朕惟望秩之典。國有常祀。而濟運之功。尤宜報享。天津東舊有海神廟。今特命工庀材。重加營建。朱甍碧瓦。規制崇宏。庶幾鑒茲悃忱。益加祐助。豈惟予一人惠鮮之意。藉以有成。將盛京世世軍民。皆得邀神貺於勿替也。是用揭諸穹碑。表神之功德。以垂永久焉。康

熙三十六年七月吉日臣允祉奉

敕書

聖祖仁皇帝御書聯額

海光寺

敕賜海光寺

山門額

海光寺

寺內額

璽一。康熙御筆之寶。

隨處潮音

大殿額

璽一。

康熙御筆之寶。

水月應從空法相。

天花故落映星龕

大殿聯左聯。

璽一。

淵鑑齋右聯。

璽一。

海神廟

靜洪波

前殿額。

觀音清梵。觀音閣額。

涵育。水母殿額。

世宗憲皇帝御製文

御製海神廟碑文

碑在大沽口海神廟

天津直沽口海神。夙著靈應。

皇考時。以盛京歲偶不登。命泛舟輸粟。出直沽口。浮於遼海。達於奉天。惟神効祥。三日而至。

皇考嘉悅。爲神立祠。製文勒石。昭美報也。朕嗣膺大統。輯寧兆庶。凡天神地祇。能爲我民禦災捍患者。咸稽舊典。加封秩祀。况海爲百谷王。沐日浴月。出雲興雨。品物遂生。其利益於民甚溥。而神之降福。茲土昭明顯融。歷有年所。又朕心所敬禮者也。旣崇

封號以答神庥。爰敕有司。載新祠廟。更立豐碑。垂示久遠。神其益降嘉祥。舟航以通。風雨時若。永惠我民。則朕有厚望焉。雍正四年六月吉旦。和碩成親王臣允祉奉

敕敬書。

御製長蘆鹽法志序。

洪範之敘五行。始於水而終於土。水以潤下作鹹。土以稼穡作甘。五味之物。唯鹽不可一日闕其用。殆與粒食均。周禮鹽人掌鹽之政令。以共百事之鹽。蓋古先哲王。知鹽之爲用。切於民生。故設官以掌之。使其足於國。周於民。平其法而息其爭。用意至

深遠也。自漢以來。代修鹽政。或失之疎。或失之密。皆不便於民。惟唐之劉晏。職掌度支。權五方之鹽。以寬萬姓之賦。得重農抑末之意。內外便之。我國家撫御寰區。修和府事。淮浙滇黔秦晉。產鹽之所。皆設官以領之。長蘆鹽政。則自析津而東。暨於青齊。乃禹貢所書。厥貢鹽絺之地。密邇京畿。爲職綦重。朕念切民生。勤勞庶政。欲四海之民。以生以食。無一物不得其所。况輦轂之近。日用之需。尤宜著爲令典。以備稽參者哉。侍郎莽鵠立視。三載修長蘆山東鹽法志。共三十卷。書成來獻。朕覽其大凡。載詔敕以奉公考沿革。以法古職官。定而法制。禁令行焉。疆域分

而竈籍商政著焉。法必待人而行。故稱述宦蹟。尤有關於鹽政。苟居是官者。能深思設官分職之指。專心一力。克盡其職。使國家無闕於歲需。而閭里常充於日用。則不惟職舉事修。而於古先哲王崇本抑末之深心。我國家惠養元元之至意。交有裨益。是則朕之所厚望也。夫。雍正四年七月十三日。

世宗憲皇帝御書額

宏仁廟

宏仁廟

廟額

璽

一

雍正御筆之寶

承天下濟

大殿額

璽

一

雍正御筆之寶

高宗純皇帝御製文

御製重修天津海神廟碑記。碑在大沽口海神廟。

渤海介析木之津。襟帶畿輔。捷雄閭而鞏之。實惟神京左絡。翕受靈長。厥利斯溥。

神故不列海濱秩次。康熙間盛京有汎舟之役。衽渡颺颺。厥事迅蕝。我

皇祖嘉

神之功。飭廟薦馨。祀在藝典。我

皇考詔卽舊規。重事葺治。

豐碑並峙。昭鑠瀛際。崇示禮秩。莫不備舉。越歲既久。風雨剝墜。無以揭虔。妥靈迺發。水衡鼎厥工。楹輝獲新。式與式壯。朕今春率

皇祖舊章。巡幸天津。莅而謁禮。爲詩以落之。蓋自淀池。循子牙。溯海河。旣得悉其歸墟。原委至則登觀海之臺。澄波澶滌。引控瀛棣。東眺扶桑。翕施蔥鬱。光延我陪都。而旅順登萊。廟島環拱。羅布胥靖。以安其旁。穿塚垤。曝鹵出素。邱如皜如。牢盆之獲。什倍而斥壤沮洳。瘠不宜植。於是蠲澤民之逋。爰復懍然。自渤海之繫誠大矣。凡海職納而茲所職乎。納者尤要。夫東南之海。吸

吞江河。風濤是防。治在塘堰。若西北諸水。滄澄漳易。衛白。或奔瀉千百里。而永定最橫。且駛。漕以七十二淀。淪以三沽。隄澹委輸。歷直沽以入。禹貢所謂同爲逆河入海者。此居其大半。而崇沙外亘。如戶斯闌。無壅而壅。流乃軌注。曩者京南州邑。苦積潦載洩。載導。田廬用寧。邇復相示。咨度渠之墊者。濬之隄之缺者。續之。施人力靡弗至。洎覽五楮。春灌夏禁。啟塞以時。匪潮弗盈。匪寒弗縮。噓噏迴斡。通乎自然。固非人事補苴之可作。而致而朕飢溺爲念。時罔不在民。則因

天之功。其又敢不事事。且海之爲物。旣鉅。受川池波。有宿有統。與

夫所以若雨暘。迪節宣康。又我民人。而惠阜我田疇者。咸依神
庥。洪惟我

祖

宗懷柔報祀。胥鬯昭融。歷有年所。朕勤思下氓。計安恬者甚摯。亦
惟

神是憑。斬自今。祇循儀軌。宣道和令。於以疏濶。輯瀾。俾暑無盛
漲。秋無霖霖。用貽我甸人。無疆之樂利。嗣是百執事。歲有事於
廟下。醴芬牲膋。無不恪共。而

神之彰靈効順。以宏佑我邦家者。亦永永弗替。爰系其事於碑。

以示來許。乾隆三十二年。歲在丁亥。暮春月上澣之吉。御筆刻

璽二。惟精惟一。乾隆宸翰。

御製勦滅臺灣逆賊生擒林爽文紀事語。恭貯柳墅行宮。

平伊犁。定回部。收金川。是三事。皆關大政。各有耑文。勒太學。誅王倫。翦蘇四十三。洗田五。是三事。雖屬武功。然以內地懷慙。弗薊其說。至於今之勦滅臺灣逆賊。生擒林爽文。則有不得不詳紀顛末。以示後人者。向之三。子惟深感。

天恩蒙厚貺。次之三。子實資衆臣之力。得有所成。若茲臺灣逆賊之煽亂。乃卒然而起。兵出於不得已。而又不料其成功。若是之

易也。蓋自康熙二十二年平定臺灣之後。歷雍正逮今乾隆戊申。百餘年之間。率鮮三十歲寧靜無事。而其甚者。惟朱一貴及茲林爽文。朱一貴已據府城。僭年號。林爽文雖未據府城。然亦僭年號矣。朱一貴雖據府城。藍廷珍率兵七日復之。不一年遂平定全郡。林爽文雖未據府城。亦將一年始獲首渠。平定全郡。則以領兵之人。有賢否之殊。故曰事在人爲。不可不慎也。林爽文始事之際。一總兵率千餘兵滅之。而有餘。及其蔓延猖獗。全郡騷動。不得不發勁兵。命重臣。則予遲速論所云。未能速而失於遲。予之過也。然而果遲乎。則何以成功。蓋遲在任事之外臣。

而速在籌策之予心。故始雖遲而終能成以速。非誇言也。蓋紀其實而已。若黃仕簡任承恩初遲矣。而予於去年正月卽命李侍堯速往代常青爲總督辦軍儲。常青往代黃仕簡。藍元枚往

代任承恩司勦賊之事。而郡城與仕簡弗致失於賊手。是幸也。

是未遲也。

黃仕簡任承恩既至臺灣南北互相觀望。兩月餘遂至與賊以暇日。以滋蔓幸予於正月初旬值李侍堯

入覲卽命往代常青爲總督。而命常青代黃仕簡。又隨命藍元枚代任承恩。是以郝壯猷於三月初八日自鳳山棄城敗歸。立卽置之於法。常青適於初九日到郡。整頓兵威。屢挫賊鋒。郡城得以無失。使常青不卽到則郡城必失守。仕簡或被賊獲。皆未可知。是始雖遲。而實未爲遲也。既而常青祇能守郡城。藍元枚忽以病亡。是又遲矣。而

天啟子衷於六月卽白甘省召福康安來熱河授之方畧八月初

卽命福康安海蘭察率百巴圖魯及各省精兵近萬往救諸羅

是又未遲也

常青雖固守郡城未能親統大兵往救諸羅藍元枚正籌會勦旋以病亡又幸子於六月內早令福

康安來觀熱河卽命於八月初二日同海蘭察率百巴圖魯侍衛章京百餘人馳赴開省並預調川湖黔粵精兵近萬人分路

赴開維時諸羅被圍日久糧餉火藥道梗不能運送若非天啟子衷及早命重臣統勁旅前往幾至緩不濟事是常青等

救諸羅雖遲而子所辦亦未爲遲也福康安等大擔門開舟阻風風畧定而啟

行又以風遮至崇武漢不能進是又遲矣然而候風之際後調

之兵畢至風平浪靜一日千里齊至鹿仔港是仍未遲也

福康安到

廈門於十月十一日自大擔門開船被風打回十四日得風駛行半日又以風轉遮至崇武漢停泊似覺遲滯然當此候風之

際四川屯練二千。廣西兵三千。俱至。而風亦適利。遂於二十八日申時放洋。至二十九日申時。兵船齊抵鹿仔港。千里洋面。一帆直達。其餘之兵。亦陸續配渡。福康安率此生力之兵。旬日內頓解諸羅之圍。繼克賊巢。生擒逆首。是未渡以前若遲。而計其成功。又未可謂遲也。夫遲之在人而

天地神明護佑。每以遲而成。速視若危而獲安。有如昔年開惑論所云者。予何修而得此於

天地神明之錫祉哉。如是而不益深敬畏。勤政愛民。明慎用兵。則予爲無良心者矣。予何敢抑又何忍乎。夫用兵豈易言哉。必也凜

天命。屏已私。見先幾。懷永圖。方寸之間。日日如在三軍前。而又戒

掣肘念衆勞。且予老矣。老而精神尙健。不肯圖逸。以遺難於子孫臣庶。藉以屢成大勲。此非

天地神明之佑乎。亦豈非弗失良心得蒙

天鑒乎。福康安等解圍殲賊。以及生擒賊渠諸功績。已見聯句之詩之序。茲不贅言。獨申予之不得不用武。又深懼用武之意。如是。以戒後世。占驗家以正月朔旦值剝蝕。爲兵戈之象。遠者固

莫考。自漢至明。屢逢其事。然亦有驗有弗驗。元旦日食。自漢迄明。有四十七。其本

繫政治廢弛。及僭竊僞朝。無論已。如唐之太宗。宣宗。元旦日食。其年俱寧靖無事。至宋仁宗四十餘年之中。元旦日食者四。最後嘉祐四年。亦無事。此其弗驗者也。惟寶元元年。元昊反。康定元年。元昊寇延州。皇祐元年。廣源州蠻儂智高寇邕州。又元代

世祖至元二十九年元旦日食。是年廣西上思州土官黃瑩許結交趾爲援寇陷忠州江州及華陽諸縣此其有驗者也。昨丙午可謂有驗矣。以予論之。千歲日至可坐而致。剝蝕亦可竿而定也。旣定矣。其適逢與不逢。原在依稀懔愴之間。且亦乏計。預使之必無也。若使之無。是爲詐也。不惟不能避災。或且召災。故史載宋仁宗朝第二次。康定元年春正月朔當日食。司天楊惟德請移閏於庚辰歲。則日食在正月之晦。帝曰。閏所以正天時而授民事。其可曲避乎。不許。夫日食必當在朔。可知古稱月晦日食者。皆移閏曲避之術耳。至於不得已而用兵。惟在見機而作。先事以圖。遲不失於應機。速不失於不達。惟敬與明。秉

公無私。信賞必罰。用兵之道。其庶幾乎。夫行此數端。甚不易矣。知不易而慎用兵。又其本乎。凡軍旅事。必當有方畧之書。書成卽以此語冠首篇。亦不更爲之序矣。乾隆戊申仲春月。臣董誥奉

敕敬書。

橫幅灑金黃絹本。

御製福康安奏報生擒莊大田紀事語。

恭貯

柳墅行宮。

昨生擒林爽文。則剿滅逆賊事。可稱蕝大端。茲生擒莊大田。則肅清臺灣事。方稱臻盡善。二逆狼狽爲奸。得一而不得二。餘孽尙存。慮其萌芽。且彼旣聞首禍被獲。則所以謀自全而倖逃生。

入山固易。追赴海則難。捕矣。是以先事周防。屢申飭諭。

莊大田在南路

距海甚近。不慮其入山。而慮其入海。則追捕甚難。因屢次降旨。令福康安等慎防其入海之路。思慮所及。隨時預救。茲福

康安盡心畫策。凡港口可以入海者。無不移舟設卡。因聞莊大

田帶同匪衆。俱在柴城。初二日欲往蚊率社。經番衆竭力抵禦。

復行退回。初五日黎明。官軍由風港發兵。越箐穿林。遂有賊匪

突出拒敵。我兵迎擊。海蘭察率領巴圖魯侍衛奮勇齊攻。殺賊

三百餘。生擒一百餘。追至柴城。賊愈衆多。然恐攻撲過急。莊大

田或臨陣被殺。或乘間竄逸。轉不能悉數。成擒福康安分兵數

隊。以徐合攻。自山梁佈陣抵海岸。適烏什哈達所率水師得順

風連檣齊至沿海進圍。水陸合剿。自辰直至午刻。殺賊二千餘。羣賊奔潰投水。屍浮海如雁鷺。而獨莊大田伏匿山溝。以致生擒。是豈人力哉。

天也。二逆以么。磨小民敢興大亂。殺害生靈無慮數萬。使獲一而逃一。未爲全美。斯皆生致闕下。正國法而快人心。反側潛消。循良樂業。福康安海蘭察等。盡謀奮勇。不負任使。固不待言。然非天祐我師。俾獲萬全。豈易致此耶。更查康熙六十年四月。朱一貴於臺灣起事。提督施世驃。總兵藍廷珍。於五月由澎湖進兵。至六月收復臺灣府城。計閱七日。於閏六月始擒獲朱一貴。計閱

一月餘。至雍正元年四月。而餘黨悉勦盡。自朱一貴起事。至臺灣全郡平定。始末閱兩年。茲林爽文於五十一年十一月起事。其黃仕簡等。前後悞事經一年。福康安等於上年十一月。由鹿仔港始進兵。其間解諸羅縣之圍。克斗六門。攻破大里杙賊巢。至本年正月。獲林爽文。計閱四十二日。繼獲莊大田。計閱三十日。自林爽文起事。至臺灣全郡平定。始末共閱一年三月。是較之藍廷珍等。成功更爲迅速矣。夫逆賊入內山。生番非我臣僕。性情不同。語言不通。其遵我軍令與否。未可知也。福康安示之以兵威。使知畏。給之以賞項。使知懷。其經畫周密。賢於施世

驃藍廷珍遠甚。又得海蘭察率百巴圖魯攻堅陷銳。遂得前後生獲二囚。且李侍堯悉心董理軍儲。毋悞行陣。使不以李侍堯易常青之總督。則軍儲必悞。不以福康安易常青之將軍。則成功必遲。茲盡美盡善。以成功於三月之間。則

上天之所以啟佑藐躬。俾以望八之年。而獲三捷之速。則予之所以深感

具慈豈言語之所能形容也哉。自斯以後。所願洗兵韜甲。與民休息。保泰持盈。日慎一日。以待歸政之年。庶不遠矣。雖然。存肩未卸。必不敢以娛老自怠。所爲猶日孜孜。仍初志耳。乾隆戊申季

春月。臣董誥奉

敕敬書。橫幅。灑金黃絹本。

高宗純皇帝御書聯額

柳墅行宮

柳墅。刻牌樓東面。璽一。乾隆御筆。

瀛津。刻牌樓西面。璽一。乾隆御筆。

偕樂堂。前殿額黃絹本。璽一。乾隆御筆。

播醇齋。內殿額淺紅絹本。璽一。乾隆御筆。

海棠廳。內殿額淺紅絹本。璽一。乾隆御筆。

校籤室。內殿額灑金藍紙本。璽一。乾隆御筆。

苔方綠處堦迎午。

花欲開時露潤晨。

借樂堂聯。碧絹本。左聯。 壘一。 奉三無私。 右聯。 壘二。 乾隆宸翰。 陶冶性靈。

何處不堪體物理。

於斯亦未忘民艱。

播醇齋聯。鈎金素蠟箋本。左聯。 壘一。 奉三無私。右聯。 壘二。 古希天子之寶。 猶

日孜孜。

麗日和風春淡蕩。

花香鳥語物昭蘇。

海棠廳聯。灑金黃紙本。左聯。 壘一。 德日新。右聯。 壘二。 所寶惟賢。 乾隆御筆。

勒寒花樹芳遲發。

向暖郊原潤逮耕。

海棠廳聯。灑金藍蠟箋本。左聯。 壘一。 德日新。右聯。 壘二。 乾隆。

樹將暖旭輕籠牖。

花與香風並入簾

海棠廳聯。灑金藕色絹本。左聯。 璽一。

乾隆御筆。

觸目無非遠塵俗。

會心皆可入研覃。

枝籤室聯。灑金朱色紙本。左聯。 璽一。

德日新。右聯。 璽二。 乾隆。

土香帶潤輕圍砌。

花氣含颺近撲帷。

枝籤室聯。灑金黃紙本。左聯。 璽一。

德日新。右聯。 璽二。 所寶惟賢。 乾隆御筆。

庭饒芳毯鋪生意。

座有芸編結古歡。

枝籤室聯。灑金碧蠟箋本。左聯。 璽一。

三無私。右聯。 璽二。 所寶惟賢。 乾隆御筆。

筆。

詩情詎花柳。

長蘆叢書

卷三 天章

十七

樂意在農桑。

枝籤室聯。私右聯。

灑金米色紙本。

左聯。惟精惟一。

乾隆宸翰。

奉三無

鴈王不異真如性。

象教恒標最上乘。

奉佛處聯。右聯。

宣紙本。

左聯。惟精惟一。

乾隆宸翰。

奉三無私。

理趣所欣元是善。

心期惟與靜爲謀。

內殿聯。德日新。右聯。

鈎金藕色蠟箋本。

左聯。壘一。

古稀天子之寶。

猶

日孜孜。奉

旨照鑄木版。懸海河樓。

軒亭喜淳樸。

甌研總清嘉。

順山房聯。私右聯。

麗金黃蠟箋本。

左聯。壘一。

乾隆御筆。

奉三無

喬柯皆入畫。

好鳥自調絃。

歇山樓下聯。黃絹本。左聯。壘二。

所寶惟賢。

乾隆御筆。

德日新。右聯。

商鼎周彝自典重。

檻葩苑樹相芬芳。

內殿聯。黃絹本。左聯。壘一。

奉三無私。

右聯。壘二。惟精惟一。

乾隆宸翰。

對枝好鳥殷勤語。

彈萼閒花自在芳。

內殿聯。黃絹本。左聯。壘一。

奉三無私。

右聯。壘二。所寶惟賢。

乾隆御筆。

海河樓

海河樓。

樓額。鉤金淺紅蠟箋本。壘一。

乾隆御筆。

御舟

安福艦。

舟額。黃絹本。壘一。

乾隆御筆。

乾隆御筆。

翔鳳艇

舟額。灑金淺紅絹本。

璽一。

乾隆御筆。

行春舫

舟額。灑金紅絹本。

璽一。

乾隆御筆。

崇禧觀

敕賜崇禧觀

山門額。勒石。

璽一。

乾隆御筆。

上清昭貺

大殿額。

璽一。

乾隆御筆之寶。

詒蕩玉闐關。監觀有赫。

穆清香案仰。廣運無爲。

大殿聯。左聯。

璽一。

奉三無私。右聯。

崇禧觀

刻碑。於後。

璽一。

乾隆御筆之寶。碑陰。

御製詩。恭載。

望海寺

瀛壖慈蔭

大殿額。

璽一。

乾隆御筆之寶。

普度指通津。慈航示喜。

眞如參覺海。法界超塵。

大殿聯。左聯。

璽一。

奉三無私。右聯。

海藏持輪。

後殿額。

璽一。乾隆御筆之寶。

證彼岸恒沙。視茲喻筏。

滙衆流一滴。笑與拈花。

後殿聯。左聯。

璽一。

奉三無私。右聯。

海光寺

普門慧鏡

大殿額。

璽一。

乾隆御筆之寶。

覺岸正光明。如水如月。

法流大自在。非色非空。

大殿聯。左聯。

璽一。惟精惟一。

奉三無私。右聯。乾隆宸翰。

春物薰馨含慧業。

名禽宛轉入聞思。

御書樓聯。左聯。

璽一。

德日新。右聯。乾隆御筆。

不生波處心恆定。

大寂光天相總融。

大士樓聯。左聯。

璽一。

德日新。右聯。

璽

鏡瀾普照。

後樓額。

璽一。

乾隆御筆之寶。

歡喜白毫光。妙明合印。

莊嚴香水海。安隱同參。

後樓聯。左聯。

璽一。惟精惟一。

奉三無私。右聯。乾隆宸翰。

恬佑祠

敕賜恬佑祠

山門額刻石

璽一

乾隆御筆

翁流順軌

大殿額

璽一

乾隆御筆

滙派協靈長功宣左輔

歸墟資廣利福佑東溟

大殿聯左聯璽一

德日新右聯璽二所實惟賢乾隆御筆

風神廟

揚仁助順

廟額

璽一

乾隆御筆

軌宅通津調析木

候孚大信靖歸墟

廟聯左聯璽一

嚮用五福右聯

璽二

海神廟

東渤安澗

前殿額

璽一

乾隆御筆之寶

導淀泊河沽歸墟效順

亘津瀛滄棣安堵蒙庥

前殿聯左聯

璽一

奉三無私右聯
陶冶性靈

紫澥青蓮

觀音閣額

璽一

乾隆御筆之寶

印月千川妙觀察

澄瀾萬頃靜聲聞

觀音閣聯左聯

璽一

奉三無私右聯
惟精惟一
乾隆宸翰

福佑祠

雲海香臺

佛殿額

璽一

乾隆御筆

資生廣潤

水母殿額

璽一

乾隆御筆之寶

神昭赫濯

闕帝殿額。

璽一。

乾隆御筆。

凜正氣浩然。準茲溟渤。

式靈威儼若。壯我干城。

闕帝殿聯。左聯。

璽一。

奉三無私。右聯。璽二。乾隆宸翰。一陶治性靈。

高宗純皇帝御製詩

柳墅行宮墨寶

省方茲日莅天津。策馬沿隄入綺園。三十二年念常注。京垓兆
庶意俱親。地當南北舟車要。水會東西河海循。何必管絃績民
樂。伊余所喜在還醇。丁亥上巳後一日。至天津策馬由府

城觀民閱河。遂駐行館作御筆。

橫灑金紅絹本。一。墨一。

所

天津瀕海濱。沮洳實澤國。以此多積欠。可任催科力。遊豫貴休
助。追逋資職殖。絜矩念通省。鄰無向隅泣。一律命免之。俾民足
衣食。民足孰與不。司農莫悵惜。命免天津府屬積欠銀穀並

及直隸通省詩以誌事。

丁亥暮春之初御筆。

橫幅黃絹本。

璽二。所寶惟

賢。乾隆御筆。

行館海河上。顏之偕樂堂。無過停信宿。頗覺費磋商。擁馬萬民

近。入門一逕長。顧名思義託。九寓富耕桑。

丁亥暮春之初御

題。

直幅宣紙本。

璽一。

乾。

隆。

一樹海棠石砌邊。種將百十有餘年。清明未到花時節。紅蕾綠

萼意躍然。

丁亥暮春之初御題。

直幅黃絹本。

璽二。

乾隆

曉發還章武。晴和風日良。望村深柳色。撲馬愛秬秧。別館軒齋

近。應時花木芳。午過復微雨。農兆卜其康。

丁亥清明日作御

筆。直幅紫絹本。 璽二。 惟精惟一。 乾隆宸翰。

清明不宜風宜雨。昨日兩風皆有之。傍晚風息似雨勝。隨亦無力收。芬絲徹夜問雲至。詰旦晨起猶陰旋。放曦一以爲幸。一以惜。惟是籌農無射思。晴一首。丁亥清明後一日御筆。

直幅
灑金

碧箋本。 璽二。 所寶惟賢。 乾隆御筆。

香樹齋集偶披翻。清虛婉約真除煩。早春津水詞更美。正值三月停巡軒。近海民計夙所廛。幸看氣象猶飽溫。摩肩接踵日輻輳。迎鑾出欲空巷村。江南輿情一例篤。爲憶詩客安詩魂。當年慵書此閱歲。每有佳句無斧痕。自從歸去樂桑苧。直沽塌淀空

潺湲詩筒遐寄俛賡韻。畢然南望紛川原。津水早春詞用錢。

陳羣韻並寄命和之。丁亥三月上澣御筆。

橫幅古銅色絹本。璽二。所寶惟

賢。乾隆御筆。

春朝上巳後。柳墅海河濱。烟意柔條挽。露光嫩葢勻。向花開戶
牖。把卷異艫。却是懷慙處。德風播未醇。丁亥暮春御題。

橫幅。

灑金黃絹本。璽二。乾隆宸翰。陶冶性靈。

舊識行齋路。海河河岸東。昔巡纘

聖蹟。今喜奉

慈宮。陌柳陰垂綠。階花暖放紅。物胥含樂意。我願與民同。庚寅

暮春御題

橫幅黃絹本

一

所寶惟賢

乾隆御筆

維舟策馬歷城門。馬足蹇蹇任親遊。必以休休利溥樂。原與衆衆情申。古來稀慶今誰及。

聖母八旬子六旬。五福箕箒壽居首。歛時

天錫錫臣民。乘馬由天津府城至行宮一律。庚寅暮春御筆。

橫幅紫絹本

一

惟精惟一

乾隆宸翰

祝

齡從衆請。復此至天津。乘令當二月。施恩逮萬民。耕桑所勤問。歌舞亦紛陳。返已惟生惡。難言斯播醇。庚寅季春中澣御題。

橫幅

鈎金藕色蠟箋本。 璽二。 乾隆宸翰。 附治性靈。

前旬憶得雲方作。便有蓬蓬風散之。誰識行宮夜問際。乃當豫
省雨霑時。一州黔首胥應悅。二麥綠苗遍以滋。却是津門仍望
澤。愜期優渥始心怡。 河南巡撫富尼漢奏報三月初六日得
雨一律。 庚寅暮春中澣御筆。直幅。灑金淺紅紙本。 璽二。 乾隆宸翰。 惟精惟一。

蠲賦王畿首被澤。析津無更可加恩。前巡因憶積斯遠。近歲應
餘欠者存。概與除徵日銀穀。並教通省逮黎元。邇邇春種期秋
熟。催呼何愁吏叩門。 命免天津府屬及直隸通省積欠詩以
誌事。 庚寅暮春中澣御筆。直幅。灑金淺紅紙本。 璽二。 乾
隆宸翰。 惟精惟一。

兩度海棠俱未開。芳姿弗覩識丰裁。連昌長恨都奇作。却憶傳
神元白來。庚寅暮春御題。
橫幅。灑金黃絹本。 璽二。 所寶
惟賢。 乾隆御筆。

大沽赴海清波翻。海口昔閱茲不煩。茲來實以俞衆顙。祝
釐攬勝奉

翟軒似繪花柳秀而野。漸長風日和且溫。吳山廣陵有同約。來賀
詎止津瀛村。香樹齋翁命且俟。更憐歸愚地下魂。二老外與言
詩少。片雲空宇寧留痕。津水早春詞重和。還鄉直達波潺湲。東
坡先生例具在。不妨險韻數疊原。再疊錢陳羣津水早春詞
韻一首。庚寅暮春御筆。
橫幅。藕色絹本。 璽二。 所寶惟賢
乾隆御筆。

海河濱館小徘徊。三宿而行此費哉。依舊紅梨前歲朶。一枝芳
入屢窗來。每看雲作使風隨。風息雲濃雨亦遲。雖是笙歌稱
祝慶。不能歡賞祇齋咨。偶題二首。庚寅暮春。御筆。直幅。灑
金米色

蠟箋本。 壘二。 所寶惟賢。 乾隆御筆。

午猶瀛宇晴。晚傍海雲生。風息幸無作。雨來聽有聲。潤知將二
寸。勢惜緩三更。卽漸晨曦晃。微欣不解怦。庚寅三月二十日
夜雨一律。御筆。橫幅。灑金米色紙本。 壘二。 所寶惟賢。 乾
隆御筆。

虔奉

慈徽諸禮成。曉乘安福返都京。

康彊逢吉真愜意。男婦駢隨有戀情。夜雨雖微塵已淨。朝烟欲泮

冷猶輕。究當優霈方紆念。節過清明迫待耕。庚寅暮春月下

澣。天津迴鑿之作。御筆

黃幅素絹本。隆慶翰。

璽二。

惟精惟一。

乾

東國旋舟蹕。津門駐蹕。往來

慈履泰。憇息靜音諧。書史原堪伴。笙歌底用排。萬民親近意。卽是

樂同偕。辛卯暮春。御題

橫幅黃絹本。乾隆宸翰。

璽二。

惟精惟一。

去歲滇南力疾迴。恰斯面晤憶生哀。樸齋卽景依然也。前席言

人何往哉。由古同爲閱世客。祇今誰是作霖材。自憐無助涓埃

者。後進方當竭力培。

憶故大學士忠勇公傳恒。用去歲臨筵

賜醉詩韻。辛卯三月御筆。橫幅灑金米色蠟箋本。所寶惟賢。乾隆御筆。 重二。

去歲來緣豫祝

蚤茲因迴蹕。小棲遲。笙歌帔舞都無藉。頗覺額齋雨字宜。辛卯

暮春下澣御題。

橫幅灑金粉紅紙本。

重二。

惟精惟一。

乾

行時隔歲至津關。依舊觀風侍

懿顏。

御舫賞春

歡益暢。乘驄問俗力猶閑。最憐幼挈老扶髡。一任鞭塵馬足間。雖
是眼前都踴躍。向隅隱詎少民艱。至天津府卽事一律。癸

已暮春月御筆

橫幅。灑金淺紅絹本。隆宸翰。

璽二。

惟精惟一。

乾

行宮構柳墅。春日偶臨之。育物對時義。觀民切已思。揮羅紅卉

錦。牆護綠楊絲。孟子分明道。寧云歌舞斯。

癸巳暮春御題

橫幅。

黃絹本。

璽二。

所寶惟賢。

乾隆御筆。

每來免積欠。隔歲復茲有。所以切祈年。綏豐屢難偶。見者恩固加。未見惠應受。顧此而遺他。寧稱絜矩道。次第與豁蠲。催科俾逭負。調燮無良方。用是增怵忸。命免天津府屬積欠。及_六隸前歲被災別州縣積欠。詩以誌事。癸巳暮春中澣御筆。

橫幅。灑金

黃絹本。

璽二。

所寶惟賢。

乾隆御筆。

光陰真似逝水翻。萬幾那敢謝勞煩。搜題摘句乃餘事。時亦引
興因遊軒。而惟觀民體休助。衣食計欲飽與溫。斯來本爲闕河
務。因緣復至章武村。行館憩息春之暮。蝶夢不離花間魂。屏額
勒昔和錢句。彼無斧鑿我有痕。一篇寄付北風去。望予渺渺波
涓涓。卽今可與言者孰。莫辭更疊險韻原。三疊錢陳羣津水
早春詞。仍寄去命和。癸巳暮春月中澣。御筆。橫幅。灑金淺紅
絹本。壓二。

所寶惟賢。乾隆御筆。

軒檻灑然清。隔年此駐旌。寧圖觀物景。蓋欲悉民情。是地廣陵
類圍城。齶戶盈播醇。豈不願返樸。愧躬行。癸巳暮春中澣。御

題方幅。灑金粉紅蠟箋本。璽二。所寶惟賢。乾隆御筆。

古樹對今軒。當春花正繁。美哉而弗艷。香否亦疑饜。全以風韻
勝。寧同桃李論。羸他前兩度。未可忍無言。駐此值海棠正開。

因成是什。

癸巳暮春月中澣御筆。

直幅。灑金米色蠟箋本。
璽二。所寶惟賢。乾隆

御筆。

遙看龍墅青。近識逕和庭。又以三年別。居然此日停。惟期供憩
息。何必綴臺亭。細雨午時歇。中心益不寧。至柳墅行宮作。

丙申清和月中澣御筆。

橫幅。灑金碧箋本。
乾隆御筆。

璽二。所寶惟賢

海棠謝了人纔到。無復紅英點綠苔。却是壁間詩句好。不知過

去與方來。

丙申清和中澣御題

橫幅。灑金米色絹本。

惟精惟一。乾隆宸翰。

行館中間構數楹。堂齋廳室各爲名。茲來後樂偕艱致。祇有先

憂爲久晴。

丙申清和月中澣御題

方幅。鈎金粉紅蠟箋本。

惟精

惟一。

笙歌備聽誰爲聽。摘句消愁愁復縈。默坐書齋緣望雨。播醇翻

覺未孤名。

丙申清和月中澣御題

方幅。鈎金碧蠟箋木。

惟精惟一。乾隆宸翰。

繫傳曾明道。論衡亦著篇。无思已示易。自化試觀天。賦物夫何作。爲形任自然。四時由相嬗。二氣互因宣。生長陽嘘發。成藏陰

吸堅廣惟翁以闢大則直而專不動遂通感守中聽代遷法斯

臻治者其舜願希旃賦得天道無爲得然字八韻丙申清

和月中澣御筆直幅灑金淺紅絹本 璽二 所寶惟賢 乾

校籤雖以額書堂那有多閒檢縹緗縱罷軍書仍不寐投階頗

覺似天康 丙申清和中澣御題橫幅灑金淺紅蠟箋本 璽

各屬霑皆三寸上二麤收約九分餘慰遙雖復因知彼切近惟

應益愿子雲作風隨若有識小罪亟霽奈何如自思早凜盈虛

戒迴首那堪春暮初 河南巡撫徐績奏報得雨及麥收分數

詩以誌事 丙申孟夏御筆橫幅灑金碧蠟箋本 璽二 所

商賚豈不緣民力。一晌徘徊繾慮縈。預備笙歌翻覺闕。書齋愧

爾播醇名。戊申仲春下澣御題。

方幅。鉤金碧蠟箋本。古稀天子之寶。

璽二。猶日孜

孜。

東風尙勒芳華候。索莫喬枝俯砌苔。誰與較量今昔樹。聊因點

筆記斯來。

戊申仲春御筆。

橫幅。鉤金粉紅蠟箋本。古稀天子之寶。

璽二。猶日孜孜。

清河順水東溯游。南而西轉閭閻稠。郡城已近見埤垠。例於北

岸泊行舟。行舟旣泊遂登岸。岸頭老幼迎鑾見。尊親意比前更

篤。咫尺崇禧謁古觀。古觀之傍書室存。熟路原識徑與門。歲歷

一紀斯再至。却如瞬息過高奔。高奔過隙迅如此。樓臺點綴增

多矣。商力豈非民力哉。因之不懌。弗因喜。弗喜觀聽紛笙歌。熱
鬧可厭。填津河。觀民本義。詎在此。按轡自問斯爲何。戊申仲
春。於崇禧觀書室作御筆。直幅。鈎金黃蠟箋本。壘二。古稀
天子之寶。猶曰孜孜奉旨照

鐫木板懸海河樓。

一紀重來觀赤子。五齡新喜抱元孫。依然策馬過城市。不許前
驅禁笑喧。近海古來無海患。津天宿應沐。

天恩肆廓富庶笙歌盛。返樸因之意默存。策馬由天津府城。至

柳墅行宮作。戊申仲春月。御筆。橫幅。鈎金米色蠟箋本。壘
二。古稀天子之寶。猶曰

孜孜。

事有名相類。究其實不同。譬之若周比。却了異私。公周乃廓然。

大。比斯暗以通。應來君子順。營去小人攻。滄訛親那久。包荒量。

白洪。歐家論誠達。韓氏說猶工。召試登寒暖。捷塗斥宦叢。寄言。

佔畢者。子曰理無窮。賦得周而不比。得同字八韻。戊申仲。

春。御筆。橫幅。鈎金粉紅蠟箋木。 璽二。 古稀天子之寶。 猶

近經四庫校堂。魚魯研窮白與細。大典詎徒笑永樂。亦惟求。

是一心康。戊申仲春御題。直幅。鈎金米色蠟箋本。 璽二。

北路賊已靖。南路師方進。軍郵隔十日。復盼佳音信。茲接督臣。

章。吏民胥致聞。勦賊連得勝。寇已遠城郡。民迴耕其田。夏收望。

以瞬復接署撫奏。春膏獲稱順。麥苗已暢發。可卜收成物。兵後歲獲登蒙。

天庥益慎。翹思擒次兇。捷布至惟迅。李侍堯奏報臺灣情形詩。

以誌慰。

戊申仲春下澣御筆。

橫幅。鈎金黃蠟箋本。古稀天子之寶。

猶日孜孜。

顏堂偕樂在楣楹。觸目因循實及名。所願萬民飽與暖。駟借一

歲雨和晴。戊申仲春下澣御題。

方幅。鈎金粉紅蠟箋本。古稀天子之寶。

猶日

孜孜。

正殷捷信盼連朝。忽接佳音至自遙。鹿耳鯤身防海逸。柴城瑯嶠獲山跳。一之爲甚竟致再。鳴旣成擒豈赦鴟。永靖瀛壖揚國

武益深兢業

昊恩昭。福康安奏報擒莊大田之信至。詩以誌喜。戊申仲春

月御筆。

橫幅。鈎金藕色蠟箋本。

璽二。

古稀天子之寶。

猶

雖則春雪溼。亟希春雨施。雲濃卯霏點。風盛巳披曦。海嶠縱傳捷。農田正待滋。喜隨日度矣。愁固我當之。微雨一首。戊申

仲春下澣御筆。

直幅。鈎金黃蠟箋本。

璽二。

古稀天子之寶

巡鑿依例有恩施。所過十分三免之。茲攬民風益親切。應寬歲欠莫呼追。數雖弗夥究需惠。獨則無徵俾普熙。共戴

天庥昨秋稔。前旬雨又麥田滋。降旨免天津民欠銀穀。詩以誌

事

戊申仲春下澣御筆

橫幅。鈎金黃蠟箋本。天子之寶。猶日孜孜。

璽二。

古稀

津門冷節值清明。昨恰捷音到御營。賜以饌應同衆豫。默無賞
覺矯其情。花雖含蕾曦烘暖。柳已舒條風拂輕。樽俎內臣佈遲
慢笑他寒食太循名。清明日賜扈駕衆官食。卽席得句。戊

申仲春御筆

橫幅。鈎金藕色蠟箋本。猶日孜孜。

璽二。

古稀天子之寶

海嶠首俘至。行宮一日停。重三逢令節。上已溯前型。左右嘉勤

扈。笙歌合與聽。如云較馬射。豈彼足相形。戊申上巳日。賜御

前大臣侍衛等食。得句御筆。

橫幅。鈎金藕色蠟箋本。古稀天子之寶。猶日孜孜。

璽二。

春前臘後雪稱優。下澣雨堪寸計籌。二至三或五至六。七爲府

及四爲州。東興利種禾和黍。夏熟堪期。麥與麩。披奏能無批慰。覽却斯望澤更生愁。陝西巡撫巴延三奏報得雨。詩以誌慰。

戊申季春御筆

橫幅。鉤金淺紅蠟箋本。猶日孜孜。

璽二。古稀天子。

津門昨雨不成寸。此日京師二寸滋。却似甘膏偏避我。對斯芑麥切憂其。雖云苗長尙容待。將逮秀臨可再遲。遠靖邇安宜豫悅。愁農務那免焦思。聞京師得雨作。戊申季春上澣御筆。

橫幅。鉤金粉紅蠟箋本。

璽二。

古稀天子之寶。

猶日

山左雨滋二寸田。非優究潤麥芊芊。北南被闕中間此。把筆欲吟轉恹然。山東布政使繆其吉報雨。口號誌悶。戊申暮春。

之初御筆。直幅。鈎金黃蠟箋本。 璽一。古稀天子之寶。猶

日孜孜。

軍務。昨年恐弗完。籌糧百計。每從寬。蔽功却至。用不竭。截運誠
教慰以歡。進勦坐謀。力各盡。宵衣旰食。意差安。雖然敢卽云無
事。惕息爲君敬識難。李侍堯奏。截停各省運。閩米石。詩以誌
事。戊申季春御筆。橫幅。鈎金粉紅箋本。 璽一。古稀天子

之寶。猶日孜孜。

古稀天子

題句光陰十八迴。無端一見引餘哀。戊申辛卯。彈指耳。旰食宵
衣。仍我哉。肩佛塵。寰將逮。卸威揚。海嶠竟成材。存亡造就。循天
理。傾者覆之栽者培。行館中有辛卯憶故大學士傅恒之作。
見之悵然。旣而快然。因用舊韻。戊申季春御筆。橫幅。鈎金米

色蠟箋本。

璽二。古稀天子之寶。猶日孜孜。

浮橋策馬過河濱。河上行宮綠柳循。臺館嫌看重修葺。商民豫祝夥排陳。旣成不說愧一已。適可修儀示遠人。題壁舊辭何太似。望霖如例縹眉頻。庚戌清和至柳墅行宮卽事一律。御筆。

方幅。鈎金碧蠟箋本。璽二。八徵耄念之寶。自彊不息。

今府昔原州。閭閻信富稠。行宮建已久。駐蹕詠恒酬。却是每望雨。又當虞失甦。顧名曰偕樂。返已獨含羞。庚戌清和月上澣。御題。方幅。鈎金藕色蠟箋本。璽二。八徵耄念之寶。自彊不息。

一庭無百步。各號有殊名。古柳帶春色。今人望雨情。雖循士民

祝厭聽管絃聲。仰視播醇額。惟增抱愧怍。庚戌清和月上澣。

御題。

方幅。鈎金碧蠟箋本。 璽二。 八徵耄念之寶。 自彊不息。

廳最斯園古。由來稱海棠。底須究厥始。况亦過其芳。綠意不妨茂。紅情祇合忘。笑他癡滯者。却乃恨無香。庚戌清和御題。

鈎金米色蠟箋本。 璽二。 八徵耄念之寶。 自彊不息。

小憩片時閒。書齋綠柳間。甫他四庫就。仍此兩言顏。懲獎事難罷。支離率與刪。若論親切句。惟在念民艱。庚戌清和上澣御題。

直幅。鈎金碧蠟箋本。 璽二。 八徵耄念之寶。 自彊不息。

岱高阜。曲望符全。信宿津門駐蹕便。愁自登舟緣渴雨。厭他祝

袞闕喧天。扈來百辟。應頒賜。遣謝陪臣。命廁筵。雖聽笙歌。心不
懌。漫疑臨樂底。怛然。臨門賜食得句。庚戌清和。月上澣。御
筆。直幅。鈎金黃蠟箋本。一。八徵。耄念之寶。自彊不息。

長隄步輦。府城觀。虔謁

崇禧露冕冠。兩次成三賴

天錫。八旬有四。愜民歡。笙歌聽厭。衢和巷。安阜情非。飢與寒。詎鮮
遠村向隅者。宣咨曷吏。佈恩寬。至天津駐柳墅行宮之作。

甲寅季春月下澣。御筆。直幅。鈎金粉青蠟箋本。一。八徵。耄念之寶。自彊不息。

可知商力卽民力。歷閱觀縈轉。閱縈。圖靜書齋。閒以憩。乍瞻題

額愧循名。

甲寅季春下泮御題。

橫幅。鈎金豆青蠟箋本。

二。八徵耄念之寶。自彊

不息。

弗取雕欄取樸楹觀民以實豈徒名與偕前歲曾逢暎其奈今年復歎晴。

甲寅季春下泮御題。

橫幅。鈎金粉紅蠟箋本。

二。八徵耄念之寶。自彊

不息。

巡宮何處不書堂暇卽甄心玩縹緗却笑幼齡逮耄耄幾曾體得一言康。

甲寅季春月御題。

直幅。鈎金豆青蠟箋本。

璽一。八徵耄念。自彊不息。

南苑憶爲雙柳賦舊新莫辨影含苔海棠庭際有如是。一例春

風迎客來。

甲寅季春御題。

橫幅。鈎金粉紅蠟箋本。

璽一。八徵耄念之寶。自彊不息。

孟仲普霑澤。季初復霑恩。高低總深透。菜豆逮芽根。閩摺真成
慰。拈毫別有存。同民茲望雨。責已更何言。陝西巡撫秦承恩
報復得透雨詩以誌事。甲寅季春下澣御筆。

直幅。鈎金黃蠟
箋本。

八徵耄念之寶。自強不息。

石刻

石屏。刻石。壘一。乾隆宸翰。

疊石爲屏蔽內外。玲瓏闕達意猶存。魯論小小工佔畢。雅似邦
君樹塞門。丙申清和月御題。

刻石壘。

壘一。

乾隆。

疊石爲屏亦峭蒨。清防之意目中存。而予更有會心處。會在重

華闢四門。戊申仲春御題。

刻石屏。 璽二。 猶日孜孜。

古稀天子之寶。

尖者峭如筍。圓兮蠢若拳。縱橫胥得勢。磊落自成堅。畫弗丹青藉。防疑隱躍然。設通蔽之義。切莫阻其賢。庚戌清和上澣御

題。

刻石屏。 璽二。 八徵耄念。 自彊不息。

既已爲屏。應疊石樸。淳奇巧匠心存。其間取舍當留意。那可蔽賢弗入門。甲寅季春御題。

刻石屏。 璽二。 自彊不息。

八徵耄念之寶。

曲池。

刻碑。 璽一。 乾隆宸翰。

海河牆外引流來。曲繞屏山鏡影迴。真是商人之見耳。滿池種得假蓮開。丙申清和月御題。

刻曲池碑陰。 璽二。 所寶惟賢。 乾隆御筆。

所寶惟賢。

重此津門問俗來。渚宮小步曲池迴。喜他三鑑中之一。爲我淳

澄素影開。

戊申仲春下澣御題。

刻曲池碑左側。稀天子之寶。

猶日孜孜。

古

是地富於水。引來可作池。雖云綴景鑿。却厭費財爲。何必爲魚
趣。正愁禾麥時。城南正存潦。疏洩又塵思。庚戌清和御題。

池碑右側。

璽一。

八徵耄念之寶。

自彊不息。

庚年別去甲年來。瞥眼三春作往迴。却是曲池不設意。澹然鏡

影一般開。

甲寅季春月御題。

刻曲池碑額。念之寶。

自彊不息。

璽二。八徵耄

橫橋。

刻碑。

璽一。

乾隆御筆。

宛轉朱欄扶木橋。過橋揭步不其遙。橋低忽訝水波近。徐悟東

風漲晚潮。

丙申清和月御題。

刻橫橋碑陰。乾隆御筆。

壘二。

所寶惟

綴景有溪必有橋。橋安讜語會非遙。却看嚙桂冷波漾。牆外知

他到海潮。

戊申仲春下澣御題。

刻橫橋碑左側。稀天子之寶。猶日孜孜。

壘二。

古

池以方圓度溪增曲折。情橋誠備溪用。溪必藉橋。悟得相資
理。置他勝險評。胎仙粟養熟。其上亦行行。庚戌清和御題。

橋碑右側。

壘二。

八徵耄念之寶。

自彊不息。

有池亦必有橫橋。橋畔苑牆隔不遙。試與憑欄一傾耳。厭他絲

管鬪春潮。甲寅季春月御題。

刻橫橋碑額。念之寶。自彊不息。

壘二。

八徵耄

柳徑。

刻碑。

壘一。

乾隆御筆。

柳墅由來柳最多。入門循徑窳婆娑。無端往事思量偶。張緒當

年意若何。丙申清和月御題。

刻柳徑碑陰。賢。乾隆御筆。

壘一。所寶惟

行宮一紀隔來多。率地依然綠意娑。却憶當年扶

輦况耿懷撫景愴如何。

戊申仲春下澣御題。

刻柳徑碑左側。壘一。古稀天

之寶。猶日孜孜。

柳墅徑非捷。仍當以柳名。澹臺不由可。張緒若爲情。異麥能春

奈。同楊入夏清。稱三如具數。惟是愧淵明。庚戌清和上澣御

題。刻柳徑碑右側。壘二。八徵耄念之寶。自彊不息。

柳墅真看柳樹多。綠絲夾徑習娑娑。弗辭屢疊東坡法。品不如

他奈若何。

甲寅季春月御題。

刻柳徑碑額。璽二。念之寶。自疆不息。

八徵耄